



FORU DEKRETUA

Ogasun, Finantza eta Aurrekontu Saila
Zerga Araudiaren Zerbitzua
Esp. zk.: 10/2019

Pertsona fisikoen errentaren gaineko zergaren arautegia aldatzea: lurraldeetako herri administrazioek ematen dituzten laguntza publikoen salbuespena.

Foru dekretu honen xedea da zenbait aldaketa egitea pertsona fisikoen errentaren gaineko zergaren arautegia onesten duen abuztuaren 1eko 40/2014 Foru Dekretuan.

Zehazki, 12. artikulua aldatzen da, lurraldeetako herri administrazioek ematen dituzten laguntza publikoen salbuespenari buruzkoa; horren arau bidezko xedapena pertsona fisikoen errentaren gaineko zergaren Foru Arauak 9. artikulua 27. zenbakian ezarri du. Berritasunik azpimarragarriena da salbuespena zabaltzen dela Eusko Jaurlaritzak ematen dituen laguntza jakin batzuetara, zehazki botiken koordainketarako laguntzetara, etxebizitzari loturiko prestazio ekonomiko zehatz batzuetara, BEINT programako nazioartekotze beketara eta atzerriko zenbait unibertsitatetan ikertzaile bisitarietzako laguntzetara.

Zerga Araudiaren Zerbitzuak eta Aholku Batzordeak horri buruz emandako araudi eraginaren txosten laburtua aztertu da.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernu Kontseiluak gaur bertan egindako bilkuran gaia aztertu ondoren, hau

XEDATZEN DUT

Artikulu bakarra. Pertsona fisikoen errentaren gaineko zergaren arautegia aldatzea.

Beste era batera idatzita geratuko da pertsona fisikoen errentaren gaineko zergaren arautegia onesten duen abuztuaren 1eko 40/2014 Foru Dekretuaren 12. artikulua 1. apartatua; honela:

“1. Zergaren Foru Arauaren 9.27 artikuluan ezarritakoaren ondorioetarako, salbuetsita daude lurraldeetako herri administrazioek ondoren zehaztuko diren araudien, programen edo laguntza planen edo haien ordezkoen itzalpean ematen dituzten laguntza publikoak:

- a) Eusko Legebiltzarraren 18/2008 Legea, abenduaren 23koa, gizarteratzeko eta diru sarrerak bermatzeko.
- b) Eusko Legebiltzarraren 3/2002 Legea, martxoaren 27koa, ikastoletan juridikoki normalizatu aurretik irakasle jardun zutenen aitorpenari eta haientzako konpentsazioei buruzkoa.



c) Eusko Jaurlaritzaren 124/2005 Dekretua, maiatzaren 31koa, euskal kooperatzaileei garapenerako lankidetzeta eta laguntzarako funtsaren kargura emango zaizkien laguntzak arautzen dituena.

d) Eusko Jaurlaritzaren 30/2015 Dekretua, martxoaren 17koa, seme-alabak dituzten familientzako dirulaguntzak arautzen dituena.

e) Eusko Jaurlaritzaren 177/2010 Dekretua, ekainaren 29koa, lan bizi eta familia bizi uztartzeko laguntzak arautzen dituena.

f) Eusko Jaurlaritzaren 4/2011 Dekretua, urtarrilaren 18koa, gizarte larrialdietarako laguntzena.

g) Etxebizitzarako prestazio ekonomikoa, etxebizitzaren ekainaren 18ko 3/2015 Legeak 9. artikularen 2. apartatua jasotakoa.

Halaber, salbuetsita egongo dira etxebizitza alokatzeko laguntza publikoak, hain zuzen Ingurumen, Lurralde Plangintza eta Etxebizitzako sailburuaren 2018ko abenduaren 18ko Aginduan, etxebizitzaren alokairurako Gaztelagun programaren laguntzak arautzen dituenak eta deialdia egiten duenak, ezarritakoak.

h) Etxebizitza, Herri Lan eta Garraioetako sailburuaren Agindua, 2010eko urriaren 6koa, etxebizitzak erosteko finantza neurriei buruzkoa.

i) Etxebizitza eta Gizarte Gaietako sailburuaren Agindua, 2006ko abenduaren 29koa, etxebizitza birgaitzeko finantza neurriei buruzkoa.

j) Eusko Jaurlaritzaren 447/2013 Dekretua, azaroaren 19koa, Euskadiko Osasun Sistemako langileek agindutako tratamendu medikoak betetzea errazteko laguntzak arautzekoak.

k) Nekazari gazteek enpresak sortzeko laguntzak, apirilaren 12ko 30/2016 Foru Dekretuan arautuak.

l) 9/2002 Foru Dekretua, otsailaren 5koa, A-68 autopistaren Arabako tartea erabiltzen duten arabarrei bidesari hobariak emateko araudia eta oinarri arauak onartzen dituena.

m) Arabako Bideak sozietate publikoak eskainitako laguntzak, Arabako lurralde historikoan bizi diren AP-1 autobidearen erabiltzaileak Arabako tartean ordaindutako bidesaria diruz laguntzeko programarekin bat etorritik. Maiatzaren 19ko 292/2009 Erabakiaren bidez eman zitzaion ardura hori sozietate publikoari.

n) 30/2008 Foru Dekretua, apirilaren 22koa, publikoak ez diren egoitza eta etxebizitza komunitarioetan mendekotasun egoeran dauden pertsonak aldi batean sartzeko dirulaguntzei buruzko araudia onartzen duena.

ñ) Ekonomiaren Garapenerako eta Azpiegituretako sailburuaren Agindua, 2017ko azaroaren 8koa, zeinaren bidez arautzen baita nazioartekotze beken BEINT programa; eta SPRI – Enpresen Garapenerako Euskal Agentziako zuzendari nagusiaren Ebazpena, 2019ko apirilaren 8koa, zeinaren bidez onartzen eta argitaratzen baitira «Beint nazioartekotze beka» laguntza programa arautzen duten oinarriak, eta beketarako deialdia egiten baita.

o) 20/2014 Foru Dekretua, apirilaren 8koa, onartzen dituena Gizarte Zerbitzuen Sailak eta Gizarte Ongizaterako Foru Erakunde autonomoak (GOFE) ezintasun egoera aitortuta duten pertsonen emango dizkieten banakako dirulaguntzak arautuko dituzten oinarri orokorrak.



- p) Eusko Jaurlaritzak emandako laguntzak Oxford, Cambridge eta Glasgowerako unibertsitateetan ikertzaile bisitari direnzentzat.
- q) Ibilgailuen parkea berritzeko 2000 E eta MOTO E laguntza plana, Euskadi 2000 plana eta helburu bererako gainerako autonomia erkidegoek ezartzen dituzten planak edo plan horiek ordezkatzeko dituztenak.
- r) + Euskadi 09' plana, han jasotako Renove planei dagokienez (leioetarako, etxetresna elektrikoetarako, galdaretarako, aurrezpen energetiko handiko turismoetarako eta altzarietarako); eta Euskal Autonomia Erkidegoko etxebizitzaren eta eraikinen birgaitze eraginkorrerako Renove Plana, eta aurrerantzean plan horiek xede berarekin ordeztu dituzten bestelako planak.
- s) Lurraldeetako herri administrazioek eskainitako beste laguntza publiko batzuk, baldin eta haien helburua ondasunak edo instalazioak eraberritzea bada eta q) eta r) letretan adierazitako xedeetarako badira.
- t) Gizarte Ongizaterako Foru Erakundeak emandako laguntzak, Arabako Lurralde Historikoan askatasunik gabeko pertsonentzako laguntza ekonomikoen programaren xedapen eta oinarri arautzaileez baliatuz.
- u) 32/2012 Foru Dekretua, ekainaren 12koa, zeinaren bidez onesten baita Arabako Lurralde Historikoan, Gasteizko udalerrian izan ezik, gizarteratze ibilbideetan parte hartzen duten pertsonentzako prestazio ekonomikoari buruzko araudia.
- v) Eusko Jaurlaritzaren 107/2012 Dekretua, ekainaren 12koa, Euskal Autonomia Erkidegoan, 1960tik 1978ra bitartean, motibazio politikoko indarkeria egoeran izandako giza eskubideen urraketan ondorioz sufrimendu bidegabeak jasan zituzten biktimak aitortzeko eta biktima horiei ordainak emateko.”

AZKEN XEDAPENA

Foru dekretu hau ALHAOn argitaratu eta hurrengo egunean jarriko da indarrean, eta 2019ko urtarrilaren 1etik aurrera sortuko ditu ondorioak.

Gasteiz.

Ramiro González Vicente

Diputatu nagusia
Diputado General

Itziar Gonzalo de Zuazo

Ogasun, Finantza eta Aurrekontu
Saileko foru diputatua
Diputada Foral de Hacienda, Finanzas y
Presupuestos

Teresa Viguri Martínez

Ogasun zuzendaria
Directora de Hacienda